

石蓮閣詩

石蓮閣詩卷六

癸卯以後詩

海豐吳重憲仲懌

壬寅十二月奉 命以侍郎駐滬會辦電政癸卯正

月入都十七日 召見於 勤政殿紀 恩述事敬

成一律

先皇侍從水曹郎試郡而今廿六霜三屆轉輸供漕米八

閭提典慎刑章兼圻暫攝申

重巽

到任前

先世澤承

恩譽二方

先公道光庚戌任直藩越五十三年重憲復承
乏斯任略固相國賀箋以方恪敏方勤襄先後

督直
爲勛

蒲柳年華樗櫟質一蒙

榮遇一悽惶

召對延英 太液西申江遙駐遂幽棲 畿疆重任初三

釋正月三日

卿貳崇班第五躋

先恭定公及兩中丞公均歷長六曹先閣部公兼侍

郎銜暨重

橫海遠行持玉節拜

恩累葉捧

璇題

先恭定公

及兩中丞公于乾隆朝五拜福方之

冬蒙 慈聖賜畫幅本日

召見又

賜重憲去

深慙報

稱無涓滴辜負

天書降紫泥

保陽藩署唐槐婆娑瑰古自道光庚戌隨先君子任

卽仰攀之光緒壬寅重膺斯任昔先君子以十月來

臘月交卸甫兩月今憲亦以冬月來正月交卸亦恰

兩月因用西法脫槐全影而倩李君岳星拓而大之

以成此圖因題于幅

槐花黃自李唐年綠滿西南半壁天兩世未曾承午蔭且

圖節錯與根盤

布散千枝與萬枝寒鴉曉鵲互棲遲每看霜露增悲感十
四齡童再到時

保定藩垣古柏二株昔先兄室值其下今黛色霜皮
依然幼時所見因脫其影儷柏爲圖並係以詩

森森雙柏影婆娑記得童時手撫摩白髮疎枝相慰藉樹
猶如此柰人何

昔時元季舊盤桓四十年來雁序單今日兩株青翠在
菁秋杜不勝寒

張今坡觀察

錫鑒

屬題左忠壯公遺像

公諱寶貴山東費縣人

身與平壤同存亡手然鉅礮鬚張黑雲壓城城驟破將
星一隕明天狼句驅起釁事本細陽谷豔豔開扶桑空聞
嚴夏議河套不虞信越開陳倉同時命將九節度莫相統
帥成倉皇公提步卒出絕域前鋒倚若長城長蓄志夙期
馬革裹渡幕適與單于當道誰因失責五將沙祇夜唱量
千囊槍林彈雨屹不退百靈難護忠骸傷名城一墮勢破
竹東溝旅順無金湯頗憶當年守定海精忠三鎮葛壯節雲飛
鄭忠節王剛節竹山門失各斷脰肢體狼籍氛披猖公今
先後與輝映烈若張許殉睢陽朝廷卹謚表忠節李唐
雙廟同馨香清河觀察寶遺照重以綈錦成裝潢徵題留

爲孤孽守跋尾敘述能賅詳同時鞏軍戰威海戴侯

孝侯宗鸞

死義尤蒼涼

其時某鎮有招寶山余步雲之意故戴公電有力不能支此後宗鸞不復能再電矣之語

辦香兩公願下拜雙忠千禩垂光芒

宋芸子以詩見贈卽步元韻

幾度貂裘犯夜寒爲籌鹽鐵斂桓寬萍來江漢皆成實松
出峨嵋自鬱盤東閣偶吟何水部南朝同弔孔都官傷心
天地多荆棘揀盡枝棲未易安

徐叔鴻觀察寄來和端午橋中丞游廬山瞻雲寺詩

因步原韻成二首

迭持節鉞六經秋集古歐陽句陸游五夜清談忙廬尾九

重 恩詔拜螭頭吳淞風雨人千里香徑薜蘿路幾周聞

說廬山有栖託共將修道最楊收

北夢瑣言唐楊收廬山修業遇道者謂子若學

道卽有仙分仕宦至卿相終有禍收謝絕之竟殲南荒

五月江城氣似秋恰如興縣記南游明誠金石成新錄江

總功名重黑頭碑閱滄桑存漢晉

中丞存古刻石千餘種

鼎從郡國

辨商周

中丞得銅檠禁一上列尊彝十三種

座中未有徐陵熱輕薄何須誠

魏收

趙粹甫先生藏醇賢親王詩札卷公子叔孺太守屬

題

東坡昔與鄧聖求白首玉堂同夜直燄燭高花環鎖鳴尋

梅苦念西山側 上齋公昔侍閒平錢塘先後辭京國

子孫

授侍郎 若若垂腰青綬新戀 闕深情縈冀北一時祖餞盡

珪組青門車馬梭如織僉云會叔行召回元晦帖言在目

拭南宋馬會叔知福州日朱公元晦守漳州與會叔帖云榮被召還之命蓋公時召入爲太常卿紹熙元年也見

宋金華集 此時賓客重梁園不詡鄒枚師契稷賢王四韻句先

成硬語盤空餘籍湜風雨同寮十二人各染簪毫寫胸臆

憲昔試郡去陳州吳興兩卷曾濡墨

已卯出都王以松雪九馬圖仲穆射虎圖

兩卷 前年游宦到三山側聞公子述先德玉藻金題沐手

命題

開瑤情綺思從頭憶蘇鄧遺蹤不可攀應劉已往苔塵蝕

抱殘守缺共珍重壽如金石臣能刻

太守工鐵筆

奉和陸梧山觀察湖山話別原韻卽題畫冊

定交猶在黑頭年流水桃花境渺然元白曾聯唐代社包

歐同踵宋時賢

公署開封子嗣調任子署開歸道公旋簡放

秦淮六代人千里

丙申秋子簡江安乃去豫

鴻雁三秋夢一天多少梁園舊賓客感懷滄

海與桑田

烽煙滿地路無生躑躅麻鞋繭足行

庚子奔赴行在

百二山河西

嶽鎮八千子弟朔方兵峭函路阻秦關險風雨人過灞上

營猶憶青門親餞別一卮慙媿醉無名

公時家居西安

之江督漕

主恩深豸繡重伸報

國心歌舞湖山猶畫

宋日霞世界說從金中興瑞應收蕭照遺事書篇補武林

轉運更兼陳臬任雪冤瓶井費推尋

五角無端又六張去留蹤跡自衡量無如臣疾河魚抱辜
負君恩雨露長杜曲鶯花歸盼早孤山梅鶴夢難忘豈
惟冠蓋羣僚悵一路衙歌繞道場

題錢塘丁松存著書圖卷

國朝四庫立七閣聖因寺榜題文瀾軍興揚鎮盡灰劫西
湖書亦遭叢殘高人獨勵守闕志搜求餘燹忘朝餐官書
僅存三之一徧鈔善本裝紉紉頓還舊觀萃往哲著書人
慰歌刀環我昔聞風起愛慕望而不見徒蹢躅吳淞煙雨
正閉戶翩然有客敲門鎖解裝堆贈書滿架爲言皆是先

人刊我聞先生籌善舉三十六年事未殫兩番綽楔荷
御筆重之不異金千緡東南藏書數最富范楊瞿陸難抗
顏斟酌既精著尤富昕宵不使丹黃閑沈生作圖傳此意
鴻題屈宋皆衙官我亦耽書攷版本對此能不慙單寒他
時得放西泠棹登樓何異窺仙竇聊歌長句作左券蠹魚
食字緣非慳

六月送岐女柩由輪船回南皮

送汝還鄉撫汝棺海天萬里但波瀾明知一暝原無覺不
忍將兒當死看

歸附松楸先世墳合家哭送不堪聞車中應尙憐耶熱又

向天闔額片雲

時有輕陰相送

和徐叔鴻廉訪解組還湘留別原韻

共事清溪水一涯
四年離索感韶華
行蹤直比溪萍活
氣味真無累黍差
邀笛步臨桃葉渡
勝棋樓是莫愁家
回頭舊雨都陳跡
夢影恒河沒數沙

移住淮南最上游
慎刑懷抱鎮悠悠
沈寃不許埋三載
雪獄真能出九幽
去路梅花忠節墓
比鄰燕子美人樓
毅然拂袖還初服
海客無心可狎鷗

猿鶴遙慙怨故山
主恩猶戀鳥銜環
當年舊雨今餘幾
出岫孤雲尙未還
吳苑蟲沙非境外
麻姑桑海在人間
觸

藩羸角羝羊苦相對高蹤祇厚顏

夢穩秋帆五夜餘君同蘭蕙我嘗薏詩詞藻采傳三變露
電光陰感六如海上孤鴻時有顧衡陽歸雁莫無書梅妻
鶴子神仙眷羨煞林逋月一鉤

寒夜淪茗

白銀釵葉白瓷甌自注新茶花乳浮暫慨靈根洗塵壒風
生一十二重樓

蒞倉場任初登壩樓奉懷滬上同好

萬里滄溟一葉過覲光又問夜如何傷心潞水前塵在
予督糧
三屆回首吳淞舊雨多隔岸樹圍朝日時拂墻柳蘸大

通波近情可慰雞鳴侶
笨伯車中病骨瘥

丙午四月過武昌重題碩甫張孟晉畫卷

回首梁園十七年前因後果
事依然裝成雙卷牛腰鉅粉
墨如聯隔世緣

春水船山兩後身與君月影我
三人世閒靈淑無多許祇
准奇才作轉輪

丙午三月十八日赴倉場侍郎任二十二日奉命

署江西巡撫四月抵任紀恩述德敬成三律

京兆剛剛五日留江湖襟帶又洪州
並無兄弟能聯榻猶

憶高會侍此樓

先恭定公乾隆丙戌任贛撫

纔走軺車五陵道難尋碑

石百花洲

訪恭定公教思碑已剝蝕難辨

摩挲九老香山杖

賜杖一方一圓供奉家

祠

七十來孫亦白頭

遺澤源流萬載長

先七世祖少參公康熙朝令萬載值吳逆之變盡心戰守奉旨有忠貞可嘉

之諭刻存廳事萬載士民感戴建祠奉祀並建講堂捐祭田至今不廢

當年拒逆挽瀾狂講

堂禪祀民懷永楔榜忠貞

御語香敢說于公興駟馬真

如朱邑葬桐鄉

天恩不負循良吏兩遣兒孫撫豫章

先人六載守梅花

先君子守南安六年歷署建昌臨江南昌

庾嶺梅花宛似家

東郡趨庭如往日西山捲雨對飛霞難填精衛弭天石涉

盡恒河閱世沙回首松楸未歸埽卅年無日不天涯

重陽園中小坐

開窗問月小亭空
幾樹喬柯蔭院中
落日忽推牆影上
半層縹綠半層紅

送柯鳳孫侍讀以觀察提學貴州

九華春殿 詔新除
峒狔溪蠻向化初
五代搜羅成秘史
君仿胡劉例
註元史將成
千秋典重續黔書
無慚海岱專門學
重歷沅湘舊日途
體用定符 丹陛旨
行看滿志意躊躇

幼時曾識此山河
銅鼓飛雲屐齒多
省會肇開明永樂
始定此省
版輿分畫漢牂牁
六千里外輶軒語
二十年前翰苑科
騎象簪花傳未谷
長安較近莫蹉跎

九月二十七日
臥室陳夫人生忌

陳夫人歿于戊戌
十月時予于役轉

輸僅哭以二十五聯題曰秋點餘悲今且又九年矣
展祭傷懷并附二十五聯於下 文定在長安兩家
金石絲蘿昔日朱陳圖嫁娶于歸來古棧廿載糟糠
補綻從前梁孟遜艱難 母家調鼎夫族開藩世胄
清華翟服僅成含殮禮我爲門楣兒營菽水初衷應
體諒牛衣原矢讓財心 如君寬忍慈和儻天道有
知定爲三難留後步奈我馳驅執掌念國恩未報方
辭五馬便生離 挾貴本無驕因未逮翁姑如父事
兄母事嫂戒奢由夙習冒偶忘樸素以勤持已儉持
家 拔釵搜篋亦何嫌夫郡守子賢書簡素一生無
象服尹姑莊妹原有範父登瀛祖相國清華三代重
鸞臺 三千劫沙散灰沈造此因緣到底是眞還是
幻五百艘連檣接尾載將夫婿遂教經歲又經年
十八載兩郡官齋那得清香凝燕寢九重恩連年轉
漕更從泛宅感鸞鵠 撫甥緣敬姊愛姪爲承兄身
去心留目置家庭成度外女願緩婚期兒因罷科舉
火傳薪盡可知仁孝本天生 母歿父歸林願我無
家難一例女行兒又宦最誰抱恨彼三人 誰可九
原依雙親一子我生孤雁感片影重雲 父母相繼
云亡兄嫂相繼云亡夫婦總齊眉我去泉臺應有日

姊妹人言無閒娣姒人言無閒規型猶在口君因家
室苦縈心一官羈况五處鄉心僅餘守硯衙齋遠
道莫隘三乳燕輪舶重洋柴車雪夜祇賸撫棺寄寓
臨終未決兩孤雛屋瓦正霜寒遠涉江湖來夢別
紙錢忽飈舉同歸泉壤果何時損君綠碧青絲匱
物俱空信德曜千秋同躑躅我詩書畫手綫長莫就
傷黔婁百事皆乖左臂爲誰剗猶時時自撫殘骸
舌強莫通疴癢苦中懷難我喻願世世補完缺陷心
傷忍說去來因小雪病大雪沈重擔一人肩方劑
爲難兒可諒仲自南季自北宦途三處隔官場久戀
我無詞莫謂九原孤定省罷父母翁姑且鄰下摩
挲如雪雲兒今廿七計纔連歲別奔走在長檣鐵鹿
忽夢中驚痛歸程水驛甫三千默若口銜碑三十
年痼疾纏綿石不能言心更苦病成身在榻二千里
關河迢遞月今一缺影難圓十年孝養此成空最
難忘山路奉輿風檐忍餓百歲光陰原一瞬尙要辦
長途雞跣佳壤牛眠一歲百兩書無書非詳食詳
眠從此夜台斷音信幾程三竺路是路果不生不滅
願依淨土證菩提噩耗電傳音已滿眼麻衣翦燭
猶開言病信沈疴醫束手祝回頭蓮果乘雲莫過望

石蓮閣詩卷六

九

夫山病狀忍重思婦憐厠脰兒捧藥遺微難再見
媼懷慈惠婢銜恩手足久凋零每言昭史嬰碁憐
此神情如隔世婦姑依性命不止談綦奉盥猶加體
郵到彌留逝水似流年纔聞電耗倉皇七日光陰
箭筈速_初入_{大風}雨_是顛風剛斷渡莫問雲軒消息一
江波浪塔鈴寒黃泉碧落兩茫茫知携手同行並
無其事白馬素車空擾擾
歎我躬不閱恤後奚遑

海秋丈有千詩債我媿多年一字無二十五聲秋點在一
回展讀一嗟吁

十月十七日入值遇雪

朝天曉騎粲成行共喜祥雲溥
帝疆萬玉雕瓊三殿迴
雙輪碾玉九衢長宮雲樓雪皆銀界苑柳庭槐盡粉妝
下狻猊能耐冷高披絮帽衛紅牆

對兒來信言與幽兒相睽者五年有思念之意因代

演爲詩

寂寂復寂寂雁羽何聯翩自我與汝別於今經五年羊城
瘴厲地夢魂時縈牽丙午換新歲嚴親蒙內遷途經申舊
治竹馬迎歡然仲兄由浙來家若月團圓獨弟隔嶺嶠椒
酒難同筵今歲父與兄薦歲燕台邊題彼我脊令豫粵牀
難連卓異弟上考行見來朝天徑涂在所經望汝先著鞭
既紓老父念亦慰兄隨肩吾母棄三雛忽已十秋前阿妹
孝且順滬上中道捐白雲在親舍道遠胡綿綿各篤骨肉
恩寄汝晨風篇

送陳敘石制軍入川先請假歸里省墓

風雲際會舜堯年，眷顧恩深重鎮邊。
行看黃麻宣北闕，先教紅旆向西川。
牂牁江上還鄉錦，宣武坊南餞別筵。
遙計韶光好三月，畫橈春水鷓鴣天。

庚年浩劫換紅羊，留守神京赤緊疆。
撫豫有書傳雪苑，淮祠無祀頌金閭。
君臣一德堪千古，兄弟雙難喻二方。
最是不忘淮上事，記持手版傍門牆。

從來知己勝銜恩，聲價荊州此日門。
潔操無慙清獻鶴，憐才下逮景升豚。

野兒蒙公薦剡

眼前雪柳新行役，心裏雲巖舊夢

痕。碩輔預膺鴻渚句，再迎節鉞過黃村。

雙狸

一狸賦三色呼爲玳瑁皮一狸曰烏雲黑白分離離三色
被緊毛犬如俄羅斯黑質白章者猱似西洋獅飽食不執
鼠捕逐相愁嬉伏學蛇蟄窟踣若猿騰枝臨穴儼鬪虎凌
窘將搏犀追逐在匡牀迅作平原馳飛騰落几案譬若憑
嶮巖勝占鹽腦夢敗甘曳尾龜興盡各尋卧心早成希夷
一苗互枕藉各自和天倪吾徒宦海中冰炭交相危袍澤
心省括冠帶胸交鉞誰能衷坦然彼此無猜疑一秤罷黑
白何處存成虧靜觀時有悟藉病聊遣詞情意不可棄寫

作雙狸詩

丁未除夕

過隙駒光七十年雪霜靡得上華顛
孫欣抱子堪兄後兒
育休官在父先書籍價高難入手
車輪磨熱未曾懸
君
門偃僂羞慙甚又沐
新恩紫禁鞭

四月八日 上賞浴佛緣豆敬以供母

老母當年拜佛時炷香捧貝立相隨
傷心五十三年後又
奉
新恩奠一卮

賀陳筱石制軍移督兩湖

皇輿綰轂在長江
慎選名臣鎮大邦
北闕重頒丹鳳詔
西川改指碧油幢
好栽漢樹加培植
早築方城默受降
商

戰湖塼標特幟國家本不建封椿

遞到詩筒漢壽亭

公詩自辰州寄

山川重疊我曾經雪消自掃松

楸地雲霽先明台鼎星大府旌旗迎鄂渚鮮民霜露在黔

靈

公先請假修墓

更傳盛事天倫樂原上春風慰鵲鴿

贈樊介軒同年

向曉驅車人海叢于祠遠寓禁城東助猷鄉哲郁離子文

字家傳魁紀公餉我一甌春茗綠遲君雙翦蠟燈紅何當

笠澤逢秋爽同納闌前鬪鴨風

時陸春江中丞同寓

六月十八日宿小廩值廬善化相國舊業也書懷誌

感

淒淒秋草憶湘江認壘惟存燕一雙
碧螭荷花疑北淀玉泉塔影在西窗
往時衰闕稱能補此日詩城號受降
遺愛廬猶標亦愛土花漸見蝕金釭

汴垣答客

騶從沿街散拜箋守開已隔十三年
故人舊宅皆新主一睹門庭一惘然

題錢仲仙大令熹平三年鏡

拓得精瑩月一丸尙方製造出工官
炎劉銅鏡無多許歷

倒初平與建安

會見初平五年建安
十年兩鏡均在此後

範合從來漢代優熹平年代紀三秋
耿勛婁壽堪同賞最

惜模糊項伯修

熹平三年祇婁壽耿勛二碑韓勅碑陰有是年項伯修字今已磨翳舊拓方能辨之

筱石制軍電傳賀詩依韻電和

錦字重勞雁足傳規隨趨步繼從前江城俯唱梅花箋京國剛逢桂蕊天好養新知培舊學願從渾樸謝雕鐫兩河竹馬應相識作守曾經十八年

寄星謀

聞說新齋闢小園一詩遙寄當寒暄黃綿好納南檐日綠螳應開北海尊淪茗藤陰懷對宇宜春楊葉隔重門宜南我有三椽屋辜負嚴冬斗室溫

南皮定興兩相國約同陸鳳石尙書張振卿總憲丁

石蓮閣詩卷六

三

遜卿制軍與予作六老之會于香山亦愛廬

陸尙書丁制軍

尙未七十引香山九老秘書監狄兼謨河南尹盧貞與會之例洛陽耆英會溫公未七十援狄兼謨之例

亦與陸尙書寄書來豫卽步原韻

共築詩城敢敗盟天心原重晚來晴
究輸种放眞閑逸敢說嵇康不世情
此日煙村依蹕路前途柳雪迫王程
回頭十八年中事贏得兒童竹馬迎

纔從燕市訂鷗盟又向梁園課雨晴
灩澦堆輸時路險石尤風遜故人情
兩河作守慚歐九五色臚雲頌李程
風雨重陽逢再展東籬黃菊喜相迎

聞對兒由江安糧道委署兩淮鹽運使寄以勉之

龜勉期承祖德難世臣喬木 國恩寬父權總制兒都轉
忝補先人未歷官

題林康甫中翰游西山圖

田盤曾共看煙鬢又踏居庸最上關從此身居人海裏未
曾晴雪訪西山

包山已作黃壚客子久猶同雪苑舟燕市悲歌姜白石聊
將讀畫補前游

陸子英黃小宋
姜穎生均有圖

輓朱竹石廉訪

數仞蕉聲館先人奉辦香十年同宦短三世論交長廣座
千人石扁舟七里塘清游都爲我此意最難忘

江左談經濟胸眞富網羅明刑寃獄少權算濟時多教用
皋陶弼徵無劉晏苛病中驚坐起生死隔山河

輓直督楊文敬公

領袖諸行省褒崇禮數殊論交眞血性阻跡總江湖鈴咽
僧伽塔星沈丁字沾哭公兩行淚能否到黃壚

未聞傳木稼忽已痛山頽莫贖秦三子空歌杜八哀勛名
媿韓范詞賦僂鄒校正好掄新政中流失此才

潢池曾鼎沸攬轡意全澄投筆班生壯和戎魏絳能 紫
宸頒賻襚 丹宸失擬丞儼戒終身凜榮名稱美稱

東人刊德政岱畎儼秦松清潔滄溟月崇高日觀峯雀風

淒畫嬰馬鬣痛遺封父老同聲哭誰追淮泗蹤

盛饑前秋憶紅瑜對酒卮率更猶作楷光祿本能詩躡躡
軒弓涕淒涼社飯悲 橋山奉移後半載卽相隨

未識荊州日先曾索我書精神佩龍馬技藝媿蟲魚棠棣
聞雲集芝蘭歎雪裾梁園在天末執紼意難如

久病不瘳預作引年之想

游宦梁園二十年焚香夜夜告青天傳家祖父難繩武觀
政兒孫已比肩驥到老時應伏櫪僧居退院不談禪再尋
洛下耆英會知好長聯翰墨緣

辭巢去燕語誦誦十畝桑陰問柞芟任重其如才薄弱時

危難論政寬嚴雁歸衡嶽離罝網牛放桃林解勒銜祇有
觚棱忘不得諸公一德望能咸

辛卯渡黃見菜花麥苗絢爛如錦曾記一詩已酉九
月路經鄭州一帶見豆畦菜圃黃綠如雲又紀一詩
相距已十九年矣

菜花曾詠大河濱齊麥新苗展碧茵豆葉嬌黃蔬圃綠晚
秋今又似殘春

和何澗夫京兆見懷原韻

君鄰積水傍深潭我向龍門近禹龜辨熱心香詩第一詞
耽眉嫵月初三座閒歌歎嵇中散酒後琵琶康德涵正是

相思無覓處桂花風信到殺函

八月十六日局闈考試舉貢偶賦

中秋巧值入闈期恰是文場圓滿時往日風檐猶在夢餘
波月魄僅如眉攜將江上中泠水來續坡仙試院詩文舉
幸同臨瑣院佳文嫺作北山移

時孔少霑
爲提學

黃小宋琴鶴歸舟圖

我無荷鍤劉伶士君有沙溪永叔阡不日歸舟同理楫
鬢鬢相對又何年

平生三走昆陽道六十年來鬢已霜鬱鬱葱葱恒在望君
家佳氣卧龍岡

題于海帆觀察前身僧相圖

小憩來登不二門歸雲有像故吾存

五蓮山有歸雲和尚小像高南阜題跋昔

游曾見之當年衣鉢傳誰手重接參寥衆法孫

千竿修竹繞高臺令尹當時似手栽悟得前身是明月無妨食肉誦經來

世說前因與後因再來重認舊根塵龍陽易子如相遇請

看風流夢晉身

易仲碩觀察自證爲夢晉後身曾兩題其卷

眼前卽是會無遮幻出官身作在家昨日偕君猶一飽穿

籬菜與水梭花

戊申九月九日 陸辭蒙 兩宮賜重陽糕四合分

賚兒孫兼饋戚儻舉家榮幸出京逾月卽迭遭國

戚疆圉效職九日又重追慕舊恩痛成一律

去秋請訓入楓宸輦路猶循太液濱波繞芙蓉

西苑殿糕傳萸菊上方珍明年社飯悲慈馭此日

軒弓痛遠臣官舍又逢重九節一思恩遇一傷神

孔烈婦潘孺人詩

提學使孔公少霑子君恕之配仰藥殉夫距夫亡七日

連理樹殘月驚墜合歡花落霜摧地燕蘭竇桂五枝榮文

梓承喬一先萎薦蘿弱秉女貞姿白露零葭瓊玉瘞從來

鄰魯詩禮鄉一夕梁園同墮淚文宗公子出聖苗馬冀諸

王標濁世威鳳神羊露頭角黑鷹黃犢稱奇異芝蘭玉樹

萃階庭一旦天胡不憖遺神叔寶竟彌留堂上椿蔭嗟
侘僚烈婦河陽侍種花兩載結褵事夫壻澣衣鎮靜託歸
寧言將同返昌平第伴將歡笑慰重慈古井無波心已誓
高堂奉養有伯叔膝下牽連無幼穉遂敷靡筭貞媛行無
殊嚙齒忠臣志寥風淒苦梅雨酸高文願得鏤珉翠 至
聖七十三代孫昔守交河殉大義父忠子孝載史宸節烈
一門播名譽吾鄉高士稱董樵有子道廣忽捐棄婦孫氏
女縊以殉漁洋作傳傳其事士夫誦讀數十年對此能無
汗沾袂傷心滄海欲橫流嶽色河聲綿不替

先著據古錄于庚戌三月晦日告成感賦

昔侍嚴親病榻前兩兒跪泣受遺編
邇延五十三年後第

四童孫始校鐫

劉念臺禮經考次公未成書公子汧輯之甚勤至汧之子茂林始輯成之事略相仿

南閣吾師

許印林先生

南羽友

丁少山待詔

烽煙保護費精神傷心

父執無人在阮

文達公

葉

東卿先生

吳

荷屋中丞

劉

燕庭方伯

何

子貞先生

李

竹朋

年陳

壽卿丈外舅

題朱曼伯中丞歸舟載石圖

蘆花瑟瑟風蕭蕭雁沙櫓唱孤舟搖五十年來涉宦海歸

裝片石留輕舫寶應中丞不世傑家傳經術人英豪天下

之平在廷尉秋官試吏弭喧呶一麾出守洛陽郡樂詞十

二傳歌謠

長吉河南府試有十二月樂詞

汝南久持繡衣斧兩河南北均

率莢提刑院粵栢節著承宣陝豫棠陰饒中州節鉞荷
恩命媿我來作蕭後曹歲憶疆圉大淵獻黃河奪溜開楊
橋堵築帑籌一千萬振撫漕轉三千艘公於其閒苦裁制
督工節餉心神勞至今順軌二十載榮光迭出無驚濤預
爲功成計身退蒲帆暝渚程匪遙鬱林雙峯隔灘桂皴雲
一朵來廣交水風浦雲指前路菱絲菰米縈歸橈惟抱濡
墨米顛視不矜宮錦青蓮袍賤子蒙 恩解職去梁園舊
雨多同僚行當隨海入煙霧回首猶見嵩雲高

開缺北歸留別梁園寅僚紳庶

兩年雪苑慶彈冠無定雲萍事渺漫三月鶯花方鄠杜一

庭氣味別芝蘭幸無爛額焦頭苦

戊申冬教匪潛伏省城謀亂陸軍中亦有其黨

幸將爲首之趙文慶密爲收服及往約縱火起事遂藉以爲綫將于化龍等一夕成禽否則將有皖粵之變

共

結披肝瀝膽歡羸得一番愉快在居然魚壳壽清端

悍匪張黑

于劫掠多年遁逃未獲予入境卽懸二千五百金重賞督各營嚴緝爲署河北謝鎮所獲斃之董萬川屈五妮楊福成各著首亦以次就獲正法

九重 聖主澤如天豐草長林在眼前始願竟諧初服志

道心莫損已殘年堆經灑潁皆平坦路過邯鄲免醉眠從

此愈輕符竹累 昇平政策仗羣賢

紫鳳丹書下 九霄疎慵解鎮聽逍遙七旬已過懸車歲

卅載難忘作郡朝

予以庚辰守陳庚戌去豫

敢謂思人猶愛樹

丁亥捍鄭州水

災於陳州修築城堤圍二十八里均爲植柳項城王生天經曾觀樹長成爲之作記
蕉子官豫二十年京外豫紳未有閒言挂冠夢穩扶輪去天闕雲中望斗杓

關懷事事費商量鄭重臨歧話別腸鐵富六州休鑄錯擬修武鳳凰嶺鐵礦外交糾葛極費籌措河防三伏忌更張難平雀鼠爭牙角開

關念昕宵爲雨暘試看迎車迭甘澍時寶湘石中丞將至豫疆今歲卜豐穰

霜葉辭柯返舊林汪情潭水兩同深只知抗疏爭權利福於公司礦煤事不悅於政府遑向同儕戀盍簪今日數行知已淚來朝干里故人心相期皓首崇明德遙寄天風海上琴

石蓮閣詩卷六終

以美成淮海爲宮室故居尊而深以白石碧山爲苑囿故
境竊而曲若琢句精妍運典博瞻則詞才詞學並擅勝場
他人已足名家此集猶爲餘事石蓮丈年及八旬世逢百
六而激楚語必出之以蘇雅衰颯語必出之以沈雄此則
宵襟福澤胥於此覘之迥非寒瘦詞人所能跂及已癸丑
嘉平十二日義州李葆恂敬識

十二萬年劫不壞是金仙人間今日何世暝色赴虞淵
有隨身鐵笛且趁波平月上吹醒洞龍眠寂寞與誰語招
手古成連兀兀醉昏昏睡儘狂顛蓬萊方丈何處縹緲
此心懸公自餐風飲露我尙挖泥帶水愁話向鷗邊回首
滄浪畔春夢裊蘿煙

末二句溯庚子
三月奉教之始

懌公示讀石蓮閣詞集學填請正甲寅閏月長洲章鉅

石蓮閣詞

海豐吳重熹仲懌

百字令

丁卯

出都有日而道涂水阻擬舍車而舟晚過伯英案
頭見季聞先生和泉硯老人詞二闕燈下無聊率
爾步韻用抒懷抱卽當驪歌

秋光如許更先知秋冷瘦人應是清減沈郎腰一搦可與
黃花相似枕上家山燈前鄉樹夢阻盈盈水歸期莫卜尊
鱸興隔千里從此滾滾塵紅茫茫路黑歧逕迷楊子愛
賦劉安招隱句只恐壯心難已一夜西風滿湖木葉此際

涼波起懷人天末扁舟我欲歸矣

知音難覓歎茫茫人海我聞如是擊筑悲歌燕市酒道是
漸離不似方幸春明常聯舊雨又逐東流水風帆瞬息閒
愁滿載歸里 幾日僧舍聯吟江亭買醉邂逅吾同子莫
謂當時梅尉賤仕隱塵寰而已吳市吹簫齊門彈鋏酒引
牢騷起杯盤狼藉離魂黯黯銷矣

滿江紅

感舊

偶夢前游滿座上淒淒切切纔幾日釵光釧影鬢雲肌雪
淺碧窗兒梧葉雨深紅簾子梨花月憑誰將舊境翦分開

并州鐵 蠶已死絲難絕
麝已盡香難滅
歎愁生兒女癡
心空熱
南國年華桃葉妹
西風捐棄靡蕪妾
把將來歸宿
較而今爲悲咽

惜餘春慢

落葉

霜葉辭柯愁人羈旅同
是一般飄蕩槐疎夢
斷柳減眉凋
偏入客窗虛幌
莫是醒了西風
有意覺人故來淒響
算幾番憑弔柳粟一條芒鞋五綈
還憶我十載燕齊高下隨
風畫出浮沈形像
馬蹏踏碎鹿砦堆殘
雞肋生涯相仿已
分飄流似伊衰草亂蛩幽淒
同賞任憑他代嬾東君重把

新陰滋長

貂裘換酒

別意

淚濺離筵酒正西風蕭蕭易水量愁計斗敢向身軀悲翫
辭甘作風塵下走不如意事多八九世態煙雲多變幻看
白衣轉眼成蒼狗休休眷戀莫回首 燕臺幾輩同心友問
當年歸吳張翰會心違否惟有蓴羹鱸膾美對著秋風廝
守休浪說匣中龍吼莫把難平悲缺陷論補天誰是媧皇
手師曠達漆園叟

浪淘沙

瘦影豔於霞幃護鈴遮枉勞蝶陣與蜂衙嫁與東風春不管負了桃花 風雨又交加轉眼繁華可憐金谷綠珠家吹得落紅消息斷夢已天涯

齊天樂

牽牛望斷銀河岸禁他一波似練夜夜青天年年白浪留得佳期如縵春魂零亂縱開遍桃花那尋人面狼藉東風殘紅空自滿庭院 雲煙至今更幻恁白衣蒼狗須臾萬變蝶夢未融鷗盟忽背幾日秋風團扇彩雲易散翻輸與尋常鶯鶯燕燕拚起羅衾把鴛鴦懶看

菩薩蠻

出都日道中

高原十里寒蕪綠
平林無數昏鴉宿
笑我未歸家可憐紅
日斜
鳳城回首處
往事如煙霧
相送只西山蛾眉彎復彎

減字木蘭花

已巳

詠絮題王寺壁

溟濛似雨春色馬頭忙
若許莫笑盈盈我比楊
花落更輕
韶光如駛東風已似東
流水任汝飄零會有時
兒解化萍

眼兒媚

春風記得態天斜
會過箇人家如何重到昔年人面今日
桃花紅牆銀漢迢迢遠卽此是天涯
猶恨當時無情簾幙多事窗紗

相見歡

垂楊陰裏橋紅乍相逢
多謝溝邊流水柳邊風
會記得春波綠照驚鴻
一霎伯勞飛燕各西東

清平樂

蠻簪素口嬌小思珍偶
誤殺徐娘成老醜
贏得紅燈綠酒
當年花月懽場夢中妝淚千行
試問麻姑記否而今又幾滄桑

目挑心與肝膽空相許鶯燕等閑成伴侶甘作花枝無主
竭來繡轂香車陌頭春日將斜斷梗飄蓬何處青衫紅
袖天涯

爲人作嫁壓綫無時暇縱有良媒還自謝浪說綺羅如麝
邯鄲一輩才人可憐廝養相親碧海青天夜夜姮娥不
悔偷奔

桂枝香

庚午

立秋日作

蓼紅蘋白正良夜新秋溽暑初去偏是悲秋士與秋先
遇西風似解相違久祇著意颼颼庭樹一番涼月一番清

露一番疎雨 曾記得紫萸黃菊我扶病登臺送君行處
幾度流光又聽元蟬哀訴秋來秋去無人管祇不許朱顏
如故登高携酒向天搔首問天不語

喝火令

城東觀荷

十頃蓮花海三篙杜若汀小城東畔偶經行不道連宵快
雨浪壓綠雲平 霞影紅垂蓼風漪碧皺萍如游歷下小
池亭只少沿波幾隊小蜻蛉又少孤煙蔭雨一角佛山青

臨江仙

題顧符稹畫

嶺上白雲低貼水滿山風色泠泠東南畫閣有人憑誤疑
茶鼎燕煙靄袖邊生 隔著鄰鄰溪百尺丹崖翠巘如屏
一川鱗甲起秋聲峯巒連復斷天外補遙青

喝火令

前題

山色青於茜溪光碧若羅誰家水榭瞰清波試問嚴陵風
景較此果如何 遠水田千畝平橋雨一簑幾株春樹綠
婆娑記得富春江上畫船過記得畫船窗裏絃索玉人歌

行香子

前題

叢竹蕭蕭拳石嶢嶢向中間結箇團瓢莫因斗米折了吾
腰有三分水二分竹數間茅風也蕭蕭雨也蕭蕭打梧
桐又滴芭蕉手中一卷倦莫輕拋恐鶴無言童欲睡我無
聊

好事近

前題

木落曉霜清萬壑千巖突兀彷彿萸糕菊酒是重陽景物
有人携杖上高臺長嘯胸空濶目斷寥天盡處插遠青
數笏

清平樂

前題

漁梁渡口霜氣濃如酒昨夜秋江風力陡紅徧萬枝鷗舅
江頭何處漁郎釣磯一網空張浩晶鷗汀鳬渚淒涼蟹
舍漁莊

南樓令

前題

霜雪者般嚴茅齋鎮下簾牕庭前老樹慘慘嵌就玻璃窗
最好留一扇放銀蟾 鑪火有人添柴扉少客探知寒窗
定與雞談驗取瓶中梅放否春有信蕊中含

柳梢青

前題

青松誰種居然補得青山無縫松杪雲流松根泉語一般
幽弄 欲尋上界名藍度我有長橋幾空百八鐘聲忽然
吹落天風相送

眼兒媚

前題

山如碧玉水如藍高士結茅菴斷崖乍劈危亭欲墜好駐
游驂 長江一綫吞天遠雲影淡相涵半空殘照一行踈
雁數點風帆

醉花陰

不遇閣前卷一
七
前題

巖下清泉巖上瀑昨夜東風峭莫去倚闌干春雨濛濛杏
蕊紅初開 門前卽是江南道歸去先生報石磴板橋東
百尺元龍可許人輕造

醉太平

前題

龍盤一株鳳翔一株離奇偃蹇扶疎是秦朝大夫 秋山
影孤秋江漲初何時一葉徐徐夢扁舟五湖

桂枝香

有贈

酒帘青窄憶起鳳橋頭新館初闌偏是沾泥柳絮遭逢淪
客天涯無數傷心淚只應來綠窗偷滴大明湖上鵲華橋
畔重到何日 閒話起東封舊事正烹茗挑燈歷數游跡
知我行蹤曾到箇人鄉國天門日觀參差遠恨當時獨踏
山色他鄉萍梗年華錦瑟一般相惜

水調歌頭

雪夜同祐會

黃破梅花萼香透小窗前一天如許風雪迸作此宵寒我
有袁安高枕裹著杜陵布被放膽且酣眠不管柴門外埋
卻徑漫漫 鳥飛絕人蹤滅萬千山已知此際歸夢行路

也應難且把花莖雙瓊趁向樽釭石鉞分擘小龍團與子
共斟酌愁緒且從艾

百字令

寄梅臣

殘年都去聽聲聲爆竹催將春至風雪家山千里外難寄
長相思字司命無情金尊儘倒不共愁人醉故人何處天
涯應念留滯記得荔館尋秋滄浪坐雨轉眼成前事風
雨滿城重九日造榜淒涼天氣秋葉無聲春花有影已分
同飄墜紅箋塗徧回腸九折難寄

滿江紅

辛未

辛未春闕題號舍壁

角逐名場果有此坎珂無有但賸得十年前事不堪回首
綠髯游蹤王粲已白頭郎署馮唐後笑泥金一紙本尋常
難消受 黃塵世休開口青燈夜空叉手偏人生失意十
多八九露電流光駒過隙煙雲幻境衣成狗問可能此日
劍鉞紅冲牛斗

賀新涼

題袁尙統歲朝圖爲李枚卿比部

環誦題圖句正紀年屠維掩茂我生初度卅四光陰浮雲
過消得春聲無數那更有童心如故爆竹階前轟若市任

黃梁爛熟，難足渾忘矣。歲云暮。晨星老輩，今何處。愛
吾廬流傳一卷，斷縑零素。風雪宜南三椽屋。幾日霜寒冰
沍。卻怎把殘年，勒住臘鼓。已催韶信，至伴同黃轉綠。中庭
樹。婪尾酒，先分付。

蝶戀花

壬申

鎮日茫茫無意緒。豔煞韶光，客裏匆匆度。莫道相思無著
處。夢魂日日天涯去。濕了清明風雨。妬花事，關心開到
櫻桃暮。枉種垂楊千萬樹。不會闌住春歸路。

滿江紅

慶雲劉氏婦同生紀事代星謀

誰釀跳梁使弱息都罹浩劫早已分死人香裏長埋枯骨
白刃截開兒女淚紅閨濺盡英雄血痛女貞一木本難支
甘摧折雲屯馬奔如沸雷轟礮聲如接是誰向黃沙白
草返魂偏熬烽火無情珉玉險干戈有縫菴菴活把團圞
八口抵馨香同垂節

滿江紅

題晉菱塘印冊

石破天驚看老筆真堪屈鐵笑世上山農一派雲腴爭割
匣裏丹砂留雪印櫝中白玉如泥切把雕龍手技且雕蟲
眞奇絕墨落處金能截錐畫後瓊飛屑歎及鋒小試指

頭生活放眼不窺秦漢下捉刀果在英雄列更別將刻楮

出靈心鑄桃核

菱塘能以
桃核製印

滿江紅

丙戌

題張雲箴大令冬夜扞菽畫冊

燈火礮樓已早上重門管鑰趁此際六街如水一鞭先著
馬滑霜濃歸路遠鷄鳴月落征裘薄比昔日磨盾作軍書
情何若千睥睨夷門郭幾屈曲金梁腳一任我紅衫烏
帽據鞍踴躍鷓鴣刀橫隨從隊蝦蟆更緊嚴城柝庶萬戶
安枕駐華胥春臺樂

宋稗類鈔京師東華門外景明坊有
酒樓人謂之礮樓或以爲樓主之姓

非也本商賈礮於此
後爲酒樓本名礮樓

滿江紅

丙申

爲李子文石題宋賈文元公牙牌詞刻拓本驚湖
華氏于丁酉年得於臨安畫圖徵詩裝成小冊

蒸栗伴黃喜入握珮環滑笏誰拾向臨安郡裏鳳凰山麓
銅說上林鑄鹿角金從江北懸鸚足合配他一闕荔枝香
新填曲 傳神拓煤爲馥鏤心句毫爲禿似摩挲銅狄流
連往復南渡曾隨遷國駕西湖久伴沈沙鏃六十年圖畫
又重題貂難續

賀新涼

丁酉

題徐積餘太守所藏淵雅夫婦合璧書前後赤壁

賦卷用易碩甫觀察原調

雙管看齊落展縹緗珠聯璧合籤標健藥天使明誠清照
後又見同心並萼揮洒到橫江孤鶴磨短麝煤殘鼠尾五
百年閨閣無茲樂好愛惜簪花格 題襟敘爲楞伽作儘
徜徉筆牀硯匣蘆簾紙閣子可傳經妻寫韻清福人間不
薄賢太守倡隨相若重認文通鷗舫字 劍霞題首 古今人合不
煩繩削蠅附驥墨重著

賀新涼

己亥臘日秣陵別秦伯虞同年

又向楓橋去輪指算春鴻秋雁匆匆三度六十行年忙中

過敢信重來如故悵此別也應有數江上青山山外雪長
征人認我經時路津鼓發舟何處秣陵舊雨殘星曙謂
明年後湖涼夏呼船重晤萬頃荷花連天葉飽取碧筒清
露把茗事隨緣分付此願難償償亦易倩流鶯爲我啼春
住爭握手離懷絮

一萼紅

庚子二月

叔問以和石帚詞相贈步韻奉答卽題其沽詞小
卷

閣輕陰算春如過翼白髮不勝簪雪散梁園雲迷津樹多
少鷗夢浮沈況方唱風波難定枝揀盡何處穩棲禽我附

輕舸君乘片席江上重臨。何意屨廊香徑又梗飄萍。合
再訂同心玉蕊寒梅天香叢桂林屋許與追尋負初服朝
衫未脫五湖游拋擲抵千金他日買山同歸潭水非深

前調

叔問再疊前韻見示又賦

惜光陰已殘年炳燭辭老欲抽簪豪縱都非繁華夢覺前
事雨散星沈古人苦揚州閒置隨飲啄來去讓春禽海國
潮荒武陵源幻難冀身臨姑且與君排遣歇連番打疊
彭澤歸心子美亭高雲林石瘦良友聊共追尋倘過了花
番廿四且枇杷樹底摘丸金行看門庭綠陰幾許深深

漢宮春

舟中寄叔問

宦海浮沈過流年三十未覺黃梁男婚女嫁粗了猶自悽
惶青山覲面問何時歸願方償安能够新來家報添成木
峪山莊荔裳先生事惟有西堪舊雨肯收颿勸我早去江鄉
仕途風波甚惡危險難防煙簑雨笠何須計窮巷苔荒舍
笑答承君指點從今勘破炎涼

滿江紅

午日舟中書感

江水東來正艾綠榴紅時節拴一幅蒲帆安穩津頭鼓發

五日龍舟瓜步水二分蛾糠揚州月苦奔波六十又三年
從誰說 棠棣樹中年折糟糠偶老年絕有多少黃梁待
煮夢魂仍熱鴻雁一行嗚咽雨鰥魚兩鬢鬚雪爲何人
揮洒向平蕪盈腔血

念奴嬌

題何梅叟二分明月移聯句圖

夕陽西下正天開霽宇星河耿耿猶憶紅橋排廿四水部
曾教管領簾押雙丁闌陰正字依樣瓊樓迥尖叉正鬪雲
邊推上金餅 雅似蘇子當年承天夜訪苾藻交橫冷幸
遇懷民猶未寢竹柏驚看清影韻選牙牌煙霏茶鼎彷彿

梅花嶺急催詩鉢夜寒半臂當省

八聲甘州

上齟牙脫僅存一枚獨力支脣悶而有作

都呼朋引類獨伊人情深尙堅牢似霜高木落觀撐一柱
山峙單椒想見靈巖鍾乳滴久宛垂條障礙有時去去更
無聊未喫紅綾餅餡笑殘牙老口難肆貪饕效龍鬚拔
去殊遜太真豪將無如東山賭墅罷殘碁屐折觸嶮嶮莫
學彼衰年作戲孺子牛嘲

滿江紅

寄懷小帆表弟時在涑水

天際輕陰忽不料西風吹散無定處
涑河北泚丁沽西畔
世事已成滄海劫行蹤略似浮雲片
問可能出岫復還山
如初願 前塵夢箏絃斷別後想車輪轉
祝仍教來去春
鴻秋燕蕭瑟難聯鷗鷺侶聲華久鄙麒麟楨
忽匆匆兩月
過駒光離弦箭

滿江紅

七夕立秋贈鳬翁

七夕新秋無一葉梧桐飄落君與我蓬萍
依樣天涯海角
撫序已成離筍箭賦詩那有臨江槩
但相期憔悴瘦西風
求靈藥 傳千古填河鵲再幾日橫江鶴
正好試螢流扇

小蟬疎紗薄夢月金梁成已往悲歌燕市難如昨願青霜
白露早殲除吹飛蘂

一萼紅

俳菴書來極言崇效牡丹之勝予自人日後卧病
殘春易過長夏又更轉眼新秋支離益甚遙憶故
人京華盛賞時移物換感歎成篇

憶春城牡丹花謝了紅紫正相爭北勝方矜南強又詎蝸
角各鬪崢嶸薰琴轉鶯蟬遞嬗倏昨宵涼樹見流螢如海
花光玉仙洪福都付飄蕭傷我殘枝斷梗念沈香亭北
幻夢全醒水皴池塘階堆梧葉忍言何事干卿轉眼便黃

花爛漫竹簾捲人瘦減風情安得遙從坡仙水調重賡

水調歌頭

秋殘冬至與鳧老同寄沽上撫時對景偶成此闕

萍老枯根在風約小池塘暮天如此搖落朔雁莫南翔安

排青熒燈火對我紙窗竹屋百四十年長諸史滿前列與

語不淒涼

五句皆用坡語

頭早白人老矣病支牀浮雲天際舒

卷差勝利名揚羅氏鶴林玉露孫氏藤陰雜記時草雨三

行富貴本泥土

佛印語

不易此徜徉

無悶

詠萬紅友鳳硯

硯爲大西洞石琢製精雅鳳味

衡硯池翼尾覆硯背右畔題欸曰來從丹穴聖世
之祥五彩咸備丕煥文章康熙丁卯上元萬樹紅
友又曰文躍如鳳天門之玃紅友硯竹君用乾隆
丙子七月七日銘統五十一字製者爲詞伯用者
爲經師致足珍矣鳧老於光緒甲午得於京師拓
墨以贈且徵題詞時維癸丑臘月樊山正以無悶
調作催雪詞用堯章韻謂此詞白雪歌曲中不載
推紅友網羅之功故卽用此調以題紅友之硯

人住紅螺村到海王購得鳳紋寶硯是紅友當年填詞染
翰重付竹君學士與詞伯經師周旋慣康熙丁卯乾隆丙

子雙銘同槩 讚歎文窗翫似心太平菴端溪一片才譜
罷蘇辛又箋兩漢我冀附庸風雅願下拜南豐心香辦恨
在手無玉鴉叉寸鐵不持白戰

摸魚兒

李狷厓用稼軒詞意寫斜陽煙柳填詞圖君有慕
辛稼軒之爲人印其向往深矣因用原韻以題其

圖

果孰知幼安懷抱算君領略非少蘭成詞賦石麟筆圖畫
當爲寫照天亦老莫葬說天涯何處無芳草樓當古道對
河冷霜淒西風殘照但見絲絲裊 荒涼景彷彿西溪東

御同是歸飛倦鳥吾狂恨古無人見且倚危欄醉倒人已
渺今猶念小山亭上殘春好風花易了何當日壽皇目爲
怨語恨付碧天杪

水調歌頭

歐陽潤生八十壽用稼軒慶韓南澗尙書韻

送別滕王閣忽已七年秋許我東絹一匹放筆託韋侯那
意烽煙瀕洞竟爾滄桑換世頓冷昔時游魯殿靈光在椿
壽說莊周 祝君去湖波輕艣枝柔可柰鷗浮蝸寄海上
暗淹留此頌盧鈞八秩再頌潞公九秩笑傲穩南樓兕觥
遙共晉社酒滿金甌

桂枝香

病榻僵卧偶一寄聲緬憶兩宋詞人莫能追步製
爲此調用質鳬翁

清歌對酒問兩宋詞人最誰低首風騷宗主第一是清真
不朽梅溪驂靳羣空矣比李杜白雲石帚東坡赤壁稼軒
北固唾壺碎否有井處皆能歌柳知三變耆卿辭原壑
白漱玉無多巾幘誰堪敵手夢窗後盾羣推許最堪傷秦
七黃九宜州城上藤州亭下垂名永久
魯直至宜州無驛亭僦止一僧舍爲
寓而適爲崇甯萬壽觀法所不許乃居一城樓上未幾而
卒少游南遷久之北歸逗遛于藤州光華亭方醉起以玉
盃汲水笑視而死

氏州第一

題張文襄龍樹院召客七札冊 同治辛未張文襄與潘文勤師在龍樹院觴客是存文襄七札光緒庚寅文勤以振務積勞薨於位眷聚南歸縑素散佚七札爲江陰夏閏枝太史所收其圖已亡乃倩姜穎生補繪裝冊會中選客三十餘人極經商榷余亦廁名其間適因病未能與會距今四十四年矣甲寅秋章式之譚部出冊屬題展對之餘如侍函丈卽昔在宣南與張文襄王文敏張松坪太守評漢碑勘宋槧事亦如過眼煙雲光緒戊申又

與張文襄鹿文端陸鳳石相國張振卿總憲丁遜卿制軍在淀園作六老之會者亦已十年而半就凋謝當年與龍樹院之會者僅存王秋惺吾暨余三人而已感逝水之流年恨勝游之不再因題此閨悵觸良深矣

萬柳堂空寺餘夕照益都勝蹟難掩提倡詩騷主持風雅滂喜抱冰領管招邀古寺交舞處槐龍翠滿樓好翰山簪偏近水羣仙蕭散於今蔓草頽垣晚那復見舊時池館更馬鄭應劉蘇辛歐趙同付雲煙眼望前塵塵已渺莫論頭長簿短病榻維摩伴伊誰鑪香茗盃

此詞成後惺吾又作古人

賀新涼

秩山表兄爲漢章表姪寫海棠小幅年屆九矣筆
下無一毫枯槁氣此長壽徵也予年亦屆八爲題

一詞

泥污胭脂溼更何須花前留憾無香可襲豔李穠桃總粗
俗風色幾番偷入漸彈滿猩紅點汁昔在西川狂顛甚納
沈香妃子清呼吸憑畫手爲收拾徐熙衰去逢春及看
案頭婆娑老子來年九十勻粉調朱閒揮灑幻出瓊枝烟
浥乞得輕陰勤護惜免雨中淒愴成悲泣陳思譜當篇什

百字令

無才經世甘蒿萊埋沒漫嗟髀肉森木鳴蟬方競響蜚羽
自潛幽獨歲月蜉蝣浮華蠟蠟難待黃梁熟人情勘透無
須遙集悲哭 向時萬紫千紅玉仙洪福錦簇花團局幾
度秋風秋雨後賸此霜松雪竹螻蛄朝菌榮枯一瞬惹得
愁千斛勿來饒舌蒲團一睡應足

吾師石蓮先生文章政事有光前烈爲當世所宗仰行年七十有八神明不衰文字之好無異曩昔所槩先世遺箬及昔賢四部書甚夥獨手所譔述緘祕未出昌綬亟以爲請乃手授詩詞稿屬同志審訂先生矜慎別擇勇去少作所存僅百一詞刻先成因志緣起乙卯七月門下士仁和吳昌綬書後

典重莊嚴

氣勢浩瀚如
舞獸散行交
字

雨滴芭蕉珠
難爲聽故事

石蓮七十七自壽詞

敬美自六十後六年五有自壽詞用北調長套偶
效爲之

正宮端正好。堯舜世道光時十八年二月卯春分節八日
花朝良辰攬揆嘉名詔伯仲間憐偏小

滾繡毬則記俺梅嶺邊戲鼓靴柳江邊度亂髮又隨侍大
河嵩岳承恩澤移畿輔路近雲霄向黔靈指節旄返終南
聽鼓馨拜先主君臣祠廟更曾經雨淋鈴驛網蜀道嚴親
又視之江學慈母歸依故里喬祇未得龕楮觀潮

叨叨令一霎時降嚴霜殺百草堂護老一霎時陳封章請

親事纏綿
悲痛獨入
鐘

讀書

與小阮庚生
侍御先後就
賢書

春闈報罷

以工部郎參
辦奉安授

石蓮華樂府
解職庭椿耄一霎時去錢唐攜琴鶴歸途繞一霎時讀慕
我念生我天不弔兀的不痛殺人也麼哥兀的不閃殺人
也麼哥祇賸得弟與兄叔合姪三人了

脫布衫始讀書不間昕宵對青燈午夜頻燒始學文全忘
昏曉望青雲九天路渺

小梁州柳下專心祀棗糕汁染宮袍科名連歲榜頭標咸
與籍僥倖得連鑣

么春闈獨媿泥金報空惹人七次牢騷永使我落孫山文
憎命長辭號舍焚硯學君苗

上小樓登仕版冬官雅操屯田韻號驚遇攀髯仙去鼎湖

陳州府知府

鄭州河決調
開封羅江安
糧道

軒然大波有
盤垂海立之

遏密簫韶。出燕郊神路。繚六年照料。博得箇把一麾。柳湖瞻眺。

么驚心的鯨奔龍跳。金堤走埽。千萬興工。百萬賑饑。拯此鴻嗷。人牽菱粟空厰。百般竭蹶。都只爲鄭州口決黃流倒。滿庭芳。因之遷調。任以領袖。使繼歐包。一心愼恤。刑章考。陽世陰曹。一重輕嚴。如斧鉞。一出入判決。秋毫十八年爲郡守。落得箇循資舊套。衣繡斧方操。

快活三。又三年。督轉漕。朝牽輓。夜叫號。受挑剔。費盡中間飽。令正供。入天庾。精合糙。

朝天子。輿忽開海島。幕忽危燕雀。鷦地聽蒙塵。耗麻鞋行。

觀
奔赴行在權
闕崇

擢江藩

調直藩護直
督以侍郎派
駐樞充會辦
電政大臣

補倉場侍郎
出撫江西

在路迢迢有似失羣鳥望秦關一時怎到觀天顏恩莫報
拋江魚味好聽聞猿清叫命去掌提刑稿

四邊靜議和成賠償最要搜索盈餘增加稅繇白下開藩
又返三山權羅掘成空桑孔爲勞粥無米婦難巧

耍孩兒都統署天津新撤須探討又調我京畿鎮剿光陰
兩月聖恩叨許乘輶駐滬巡瞭特設置郵傳紫電三年領
要整飭光射金蛇萬里遙恰日俄兵事肇天傳朔雁水遞
文鱗

五煞漕京通五日期去章江二水滔會城正涉歐西教笙
歌酒醴娛來使議抵罰賠結外交又是萍江開闢直動了

補郵傳侍郎

出撫河南

以上敘述仕

履步驟并井

不憂不枝

豪蕩感激

滿頓挫五煞

不減老杜之

七歌度曲至

此能事畢矣

舉重若輕何

等神力合拍

按腔曲折盡

意他人為散

文尚不能如

此游行自在

兵聯四省。方落得凱奏金鑄。

四煞。佐郵傳過一年。撫河南。悲兩朝。官從舊地遷。纔樂重。

看竹馬。兒童老漸見。鵲鸞舊侶。凋只為從民所好。因礦務。

橫生。粗悟博得箇解鎖逍遙。

三煞。退院僧。瘦骨支。舊宮人。白髮飄。歸來不用船。合轎三。

椽。老屋宣南。寄幾點晨星。日下遭真率。會情共表。且相與。

素心朝夕問荅漁樵。

二煞。忽漁陽。鼙鼓喧。倏神京。襁負逃城頭。頭白烏飛噪。隨。

行帶屋。蝸難學。失路投林燕。覓巢幼。安避遼東。早從此便。

鴻冥。蠖屈跡晦身韜。

信奇文亦至
文也
結語瀟灑
藉此道當行

一煞鼓兒詞賈島西道情歌鄭板橋旁人莫把癡頑笑快
無福鼓撾千杖清少牙琴按七條權當作歌合歡博得箇
心閒夢穩又何妨利盡名消

尾聲安期棗莫尋方朔桃難找算八旬僅有三年少且看
他子子孫孫膝下繞

以龍門自敘之氣行宮調曲折之中朗爽似白仁甫瀟
灑似馬東籬其敘述翦裁全以古文法行之則康王樂
府不是過也公喜爲倚聲不甚度曲今偶一爲之而分
刊節度不失累黍宮商抗墜要眇抑揚試拍紅牙絕無
拘折噪子之弊信賢者不可測已安得付之雪兒於翠

尊絳蠟間鼻聲歌之一洗邇來嘈噴噍殺之音乎甲寅
二月望義州李葆恂拜讀

自敘分明太史公當筵一曲氣如虹都將身世無窮感
付與銅絃鐵板中

瑤環瑜珥繞庭闈軾轍賢名世所稀舞綵堂前應一笑
著將豸繡當萊衣

叔子以南汝道迴避調江安糧道卽公開封守所遷之官也

解組承歡足嘯歌孝廉衣鉢繼巍科料應祝壽無凡語

三代奇文貯腹多

季子以名孝廉官佛山同知卓異告歸朝夕侍側先德所輯藻古錄中篆

文皆其
手摹

文章政事兩堪傳合有新詞播管絃試聽謳歌何處徧

兩河南北九江邊

公自壽曲葆恂旣僭爲評注復題小詩四章述公子之賢以見公之全福卽以爲賤子介壽之詞可也義州李葆恂初稿

波瀾壯闊音節蒼涼以侯魏序事文筆施之於尋聲按拍之中卓然大家古今獨步倚笛高歌足裂金石甲寅莫春金綬熙謹注